



Cyngor Sir
CEREDIGION
County Council



**Partneriaid Addysg
Canolbarth Cymru**

**Mid Wales
Education Partners**

DRAFT



Cynnwys / Contents

Cyflwyniad ~ Introduction	3
Cyd-destun ~ Context	4
Cynnydd ers ein creu Medi 2021 ~ Progress since inception in September 2021	6
Meysydd Blaenoriaeth ar y cyd 2022-2023 ~ Shared improvement priority areas for 2022-2023	7
Cynlluniau'r Blaenoriaethau ~ Priority area plans.....	7
Trefniadau Darparu ~ Delivery arrangements	8
Llywodraethiant a dosrannu Cyllid ~ Governance and distribution of Funding	9
Maes Blaenoriaeth 1 ~ Priority Area 1	11
Maes Blaenoriaeth 2 ~ Priority Area 2.....	14
Maes Blaenoriaeth 3 ~ Priority Area 3.....	17
Maes Blaenoriaeth 4 ~ Priority Area 4.....	20
Maes Blaenoriaeth 5 ~ Priority Area 5.....	24

Cyflwyniad ~ Introduction

Yn flaenorol, roedd Awdurdodau Lleol Ceredigion a Phowys yn cael eu gwasanaethu gan ranbarth ERW ar gyfer swyddogaethau gwelliant ysgolion. Mae ôl troed ERW bellach wedi'i ddiwygio i adlewyrchu a chyd-fynd yn ddaearyddol â strwythur y Cydbwyllgor Corfforaethol ac Ardaloedd y Fargen Dwf. Mae Partneriaeth bellach yn gwasanaethu'r rhan fwyaf o'r Awdurdodau Lleol cyfansoddol o fewn Bargaen Twf Bae Abertawe, tra bod Ceredigion a Phowys, fel Awdurdodau Lleol Cyfansoddol Partneriaid Addysg Canolbarth Cymru yn cydweithio i wasanaethu anghenion ysgolion o fewn ardal Bargaen Twf Canolbarth Cymru.

Sefydlodd Ceredigion a Phowys dull cyfunol o ddarparu gwasanaethau gwella ysgolion a ffurfiwyd Partneriaeth Addysg Canolbarth Cymru i gefnogi meysydd blaenoriaeth ym Medi 2021. Yn Ionawr 2022, arwyddwyd Memorandwm Cyd-ddealltwriaeth gan y ddau Gabinet i danategu gwaith y Partneriaeth. Amlinellir trefniadau atebolwydd a llywodraethu clir yn y Memorandwm Cyd-ddealltwriaeth, gan gynnwys cynrychioliaeth Canolbarth Cymru o fewn trefniadau cenedlaethol a thraws-ranbarthol.

Ein Gweledigaeth a'n Gwerthoedd ~ Our Vision and Values:

Fel Partneriaid Addysg Canolbarth Cymru byddwn yn darparu ysgolion â gwasanaeth gwella rhagorol a chwbl integredig. Bydd ein gwaith o safon rhagorol a bydd yn sicrhau arloesedd a thrylwyrredd wrth ddarparu gwasanaethau gwella cynaliadwy.

Byddwn yn:

- Cefnogol a chydweithredol yn ein hymagwedd
- Creadigol, hyblyg a gonest yn ein ffyrdd o weithio
- Effeithiol ac effeithlon fel partneriaeth

Ein nodau ydy ~ Our aims are:

- cefnogi arweinwyr a'u datblygiad proffesiynol a datblygu amrywiaeth eang o arweinwyr effeithiol yn y dyfodol i ddiwallu anghenion Canolbarth Cymru;
- cefnogi athrawon a chynorthwywyr addysgu gyda chynnig dysgu proffesiynol cynhwysfawr, pwrpasol, safonol ac effeithiol, sy'n hygyrch i aelodau staff, ac yn cydfynd â'u meysydd blaenoriaeth lleol;
- cefnogi ysgolion wrth iddynt adfer yn dilyn y pandemig i gael effaith gadarnhaol ar lesiant staff a disgyblion;
- cefnogi ysgolion i ddatblygu cynnig cwricwlwm sy'n sicrhau cynnydd, a'r pedwar diben sy'n greiddiol i hynny;
- cefnogi ysgolion i wella ansawdd y dysgu a'r addysgu'n barhaus i gael effaith gadarnhaol ar gyfleoedd bywyd disgyblion;
- sicrhau cefnogaeth, her ac ymyrraeth drylwyr o ansawdd uchel i ysgolion;

- datblygu rhwydweithiau cefnogi pwrpasol ac effeithiol rhwng ysgolion a hwyluso system hunanwella;
- darparu cymorth pwrpasol i ysgolion yn unol â meysydd blaenoriaeth Datblygu Ysgolion;
- datblygu cyd-ddealltwriaeth o amddifadedd gwledig a thegwch i sicrhau bod pob disgybl yn cael cyfleoedd i lwyddo, beth bynnag fo'i heriau cymdeithasol;
- sicrhau bod Partneriaid Addysg Canolbarth Cymru'n gweithio'n effeithlon ac yn ymdrechu i sicrhau darbodion maint; a
- gweithio'n effeithiol ag amrywiaeth eang o bartneriaid priodol i ddarparu gwasanaeth sy'n ymateb i anghenion ein hysgolion, blaenoriaethau Llywodraeth Cymru ac Awdurdodau Lleol, ac sy'n cyd-fynd yn strategol â 'Tyfu Canolbarth Cymru' a Bwrdd y Bartneriaeth Dysgu a Sgiliau Rhanbarthol.

Cyd-destun ~ Context

Nifer Ysgolion					
	Cynradd	Uwchradd	Pob oedran	Arbennig	UCD
Ceredigion	36	4	3	0	1
Powys	76	9	2	3	2

Nifer Disgyblion		Nifer Staff Addysgu		Nifer Staff Cymorth	
Ceredigion	Powys	Ceredigion	Powys	Ceredigion	Powys
9,561	17,178	1,070	1,115	509	1,079

Data Cefndir Cyd-destun			
Data	Powys	Ceredigion	Ffynhonnell
Canran o Ardaloedd Cynnyrch Ehangach Haen Is yn y 20% uchaf o'r mwyaf difreintiedig yng Nghymru.	6%	4%	MALIC 2019
Canran o bobl oedran gweithio (16-64 oed) sy'n economaidd anweithgar.	20.6%	24.3%	StatsCymru Cymru: 24.4%

Plant o dan 16 oed sy'n byw mewn teuluoedd incwm isel cymharol.	4,324 (20.4%)	2,368 (21.8%)	<u>Llywodraeth y DU - Ystadegau Swyddogol Blynyddol</u>
Plant o dan 16 oed sy'n byw mewn teuluoedd incwm isel absoliwt.	3,207 (15.2%)	1,741 (16.0%)	<u>Llywodraeth y DU - Ystadegau Swyddogol Blynyddol</u>
Disgyblion sy'n gymwys am Brydau Ysgol am Ddim (PyDd) / Amddiffyn wrth Bontio (AB)	PyDd 17.46% AB 15.7%	PyDd 13.8% AB 17.0%	<u>CYBLD 2021</u> Cymru PyDd 20.9% Cymru AB 22.8%
Disgyblion ag Anghenion Dysgu Ychwanegol (ADY)	3,764 (21.8%)	2,433 (25.1%)	<u>CYBLD 2021</u> Cymru 92,688 (19.5%)
Disgyblion â Saesneg / Cymraeg fel iaith Arall (camau A-E)	590 (3.6%)	485 (5.0%)	<u>CYBLD 2021</u> Cymru 36,250 (7.6%)
Disgyblion sy'n dysgu Cymraeg fel iaith gyntaf (B1-B11)	2,349 / 14,290 = 16.4%	5,444 / 7,615 = 71.5%	<u>CYBLD 2021</u> <u>StatsCymru</u> Cymru 79,304 / 379,730 = 20.9%
Nifer disgyblion oedran ysgol gorfodol sy'n cael eu Haddysgu Gartref (Addysg Ddewisol yn y Cartref)	227 Cyfradd fesul 1,000 = 15.6	253 Cyfradd fesul 1,000 = 32.1	<u>CYBLD 2021</u> Cymru 4,022 Cyfradd fesul 1,000 = 10.4

Maes	Ceredigion	Powys	Cymru
Amser teithio dwyffordd cyhoeddus cyfartalog i gyfleuster chwaraeon (munudau)	95	112	55
Amser teithio dwyffordd cyhoeddus cyfartalog i ysgol uwchradd (munudau)	88	103	52
Amser teithio dwyffordd preifat cyfartalog i ysgol uwchradd (munudau)	17	16	11

Amser teithio dwyffordd cyhoeddus cyfartalog i siop fwyd (munudau)	64	72	32
Tebygolrwydd tai o ansawdd gwael (%)	30.4%	25.4%	19.7%
Sgôr agosrwydd at fannau gwyrdd hygyrch (% o gartrefi)	55.4%	63.2%	77.0%
Dim band eang ar gael ar 30Mb yr eiliad	19.3%	21.2%	6.9%

Cynnydd ers ein creu Medi 2021 ~ Progress since inception in September 2021

Peidiodd Awdurdod Lleol Ceredigion â bod yn bartner yn ERW ym Mawrth 2021, gyda Phowys yn dod â'i chysylltiad ag ERW i ben ym Medi 2021. Felly ffurfiwyd y Bartneriaeth Addysg Canolbarth Cymru newydd ym Medi 2021, ac fe'i hategwyd gan Femorandwm Cyd-ddealltwriaeth yn Ionawr 2022. Mae'r Memorandwm Cyd-ddealltwriaeth hwn yn nodi'n glir y meysydd gweithio ar draws Partneriaeth Canolbarth Cymru, ac o ganlyniad mae lefel dda o ddealltwriaeth o feysydd blaenoriaeth ar y cyd.

Mae uwch swyddogion y ddau Awdurdod Lleol wedi gweithio gyda'i gilydd yn gadarnhaol a chyda lefel uchel o ymddiriedaeth a hyder i adeiladu'r bartneriaeth newydd. Mae cyfarfodydd rheolaidd wedi meithrin cydweithio llwyddiannus rhwng swyddogion ar bob lefel, gyda phrotocolau cryf ar waith i sicrhau llif gwybodaeth rhwng swyddogion perthnasol.

Treuliwyd amser sylweddol yn ystod Tymor yr Hydref yn cael mynediad at, a bod yn rhan o raglenni a thrafodaethau traws-gonsortia. Roedd swyddogion Llywodraeth Cymru yn allweddol o ran sicrhau bod Partneriaeth Canolbarth Cymru yn cael ei chydabod a'i bod yn rhan o bob trafodaeth genedlaethol. Erbyn Ionawr 2022, roedd gan swyddogion Partneriaeth Addysg Canolbarth Cymru gynrychiolaeth lawn mewn gweithgareddau traws-ranbarthol.

Ers Medi 2021 mae Partneriaeth Canolbarth Cymru wedi llwyddo i:

- Sefydlu dulliau llywodraethu a chyfathrebu'r endid newydd mewn ffordd bositif ar draws y ddau Awdurdod Lleol
- Sefydlu perthnasoedd ac arferion gwaith rhagorol ymhlith swyddogion ar bob lefel, a chynnal y perthnasoedd gwaith cryf iawn a oedd eisoes yn bodoli gydag ysgolion
- Sicrhau penodiadau ar gyfer swyddi allweddol gyda rolau, cyfrifoldebau a gweithredoedd clir

- Sicrhau cynnig dysgu proffesiynol rhagorol i gefnogi'r cwricwlwm mewn modd cyffredinol a modd sydd wedi'i deilwra
- Sicrhau, erbyn Ionawr 2022, mynediad llawn at amrywiaeth eang o raglenni arweinyddiaeth
- Sicrhau, erbyn Ionawr 2022, mynediad llawn at raglenni i gefnogi datblygiad proffesiynol Cynorthwywyr Addysgu
- Sicrhau cefnogaeth gref i Athrawon Newydd Gymhwyso a staff yn ystod camau Datblygiad Gyrfa Cynnar
- Sicrhau cymorth o ansawdd rhagorol i ddysgu o bell yn ystod cyfnodau pan fydd ysgolion ar gau oherwydd Covid-19
- Sicrhau effeithlonrwydd drwy weithio a chaffael ar y cyd.

Meysydd Blaenoriaeth ar y cyd 2022-2023 ~ Shared improvement priority areas for 2022-2023

Yn unol â'r Memorandwm Cyd-ddealltwriaeth, ffocws y meysydd blaenoriaeth ar gyfer gwella a rennir ar draws Partneriaeth Addysg Canolbarth Cymru fydd:

- Datblygu'r cwricwlwm
- Llwybrau Arweinyddiaeth
- Cefnogaeth i Athrawon Newydd gymhwyso a Gyrfaedd Cynnar
- Llwybr Dysgu Cynorthwywyr Addysgu
- Amddifadedd Gwledig a Thegwch

Cynlluniau'r Blaenoriaethau ~ Priority area plans

Bydd Partneriaeth Addysg Canolbarth Cymru yn canolbwyntio ar y meysydd canlynol yn 2022-23, sef:

Blaenoriaeth 1:

Sicrhau bod ysgolion yn hyderus wrth roi Cwricwlwm i Gymru ar waith o Fedi 2022 ymlaen, a pharhau i ganolbwyntio ar wella'r dysgu ac addysgu

Blaenoriaeth 2:

Cefnogi a datblygu gweithwyr addysg proffesiynol rhagorol

Blaenoriaeth 3:

Datblygu a rhoi strategaeth degwch ar waith, a chefnogi lles ac anghenion emosiynol disgyblion ac ymarferwyr

Blaenoriaeth 4:

Sicrhau bod trefniadau cynorthwyo a gwella ysgolion yn glir, ac arwain ysgolion i barhau i ddatblygu fel sefydliadau dysgu sy'n rhoi'r trefniadau gwella, gwerthuso ac atebolrwydd diwygiedig ar waith

Blaenoriaeth 5:

Sicrhau trefniadau mewnol effeithlon, a chyfathrebu ac ymgysylltu effeithiol â rhanddeiliaid

Trefniadau Darparu ~ Delivery arrangements

Er y bydd ein Model Cyflawni'n sicrhau bod pob un o swyddogaethau'r Model Cenedlaethol yn cael eu cyflawni i safon uchel, bydd ein Model Cyflawni hefyd yn sicrhau integreiddiad llwyr pob agwedd ar sicrhau gwelliant ysgolion yn y modd ehangaf a mwyaf effeithiol.

Bydd y Model Cyflawni'n seiliedig ar bedwar amcan galluogi 'Cenhadaeth ein Cenedl', sef:

- i. Dysgu Proffesiynol
- ii. Arweinyddiaeth
- iii. Tegwch, rhagoriaeth a lles
- iv. Gwerthuso, gwelliant ac atebolrwydd

Bydd deiliaid swyddi allweddol o fewn meysydd blaenoriaeth yn cydweithio i ddarparu blaenoriaethau allweddol y cynllun hwn, sef:

- Diwygio'r cwricwlwm
- Arweinyddiaeth
- Dysgu proffesiynol Cynorthwywyr Addysgu
- Tegwch a strategaeth wledig

Bydd Awdurdodau Lleol Ceredigion a Phowys yn parhau i gynnal tîm craidd o staff cymorth a fydd yn gweithio ar y cyd ac yn:

- adnabod ein hysgolion yn dda, yn cydnabod eu cyd-destunau amrywiol ac yn parhau i ddatblygu arferion gwaith rhagorol;
- canolbwyntio ar sicrhau'r canlyniadau gorau i ddysgwyr bob amser, o fewn amgylchedd ysgol cynhwysol, tra'n sicrhau bod plant a phobl ifanc Ceredigion a Phowys yn ddysgwyr uchelgeisiol sy'n unigolion iach a hyderus, yn gyfranwyr mentrus ac yn ddinasyddion moesegol a gwybodus;

- cefnogi arweinwyr i nodi cryfderau a meysydd i'w gwella, sicrhau ansawdd a sicrhau bod gwelliannau yn cael eu cynllunio, eu gweithredu, eu gwreiddio a'u cynnal yn dda;
- hwyluso cynnig dysgu proffesiynol rhagorol drwy'r llwybr proffesiynol cyfan, a fydd yn canolbwyntio ar addysgu, dysgu ac arweinyddiaeth ar bob lefel;
- sicrhau arfer myfyriol, ac ymgysylltu ag ymchwil ac ymholi;
- gwreiddio diwylliant o hyfforddi a mentora ar bob lefel mewn ysgolion;
- datblygu dull cydweithredol o wella a hwyluso cymunedau dysgu proffesiynol at ddibenion datblygu a chyd-adeiladu, gyda'r nod o weithio tuag at system hunanwella; ac
- adnabod a dysgu gan y gorau ar draws Partneriaid Addysg Canolbarth Cymru a'r gymuned addysg ehangach, a broceru partneriaethau penodol a pherthnasol ar gyfer ein hysgolion.

Bydd ysgolion yn cael eu cefnogi i gydweithio ar feysydd blaenoriaeth ar y cyd a datblygu egwyddorion Ysgolion fel Sefydliadau Dysgu, drwy rwydweithiau a chadwyni a sefydlir i hwyluso dull cydweithredol o wella ysgolion.

Llywodraethiant a dosrannu Cyllid ~ Governance and distribution of Funding

Mae Partneriaeth Addysg Canolbarth Cymru yn cael ei llywodraethu gan Femorandwm Cyd-ddealltwriaeth sy'n amlinellu rolau, cyfrifoldebau, atebolrwydd a dulliau llywodraethu.

Mae yna gyswllt rhwng Cynllun Busnes 2022-23 â Chynlluniau Busnes unigol Awdurdodau Lleol Powys a Cheredigion, ac mae hyn yn sicrhau cyd-drefnu rhwng meysydd blaenoriaeth a rennir, ac elfennau ehangach gwaith cefnogi a gwella ysgolion.

Mae Ceredigion a Phowys yn cynnal eu tîm craidd o staff gwella ysgolion, megis Cynghorwyr Cymorth Ysgolion, arweinwyr pwnc, swyddogion gweinyddol a chyllid o gyllideb graidd yr Awdurdod Addysg Lleol. Mae pob grant, felly, yn cynnig ychwanegedd o ran capasiti a gall dargedu gweithgareddau maes blaenoriaeth penodol.

Sefydlir grŵp cyfeirio Penaethiaid Partneriaeth Addysg Canolbarth Cymru yn ystod Tymor yr Haf 2022.



Maes Blaenoriaeth 1 ~ Priority Area 1

<p>Maes Blaenoriaeth 1 Priority Area 1</p>	<p>Sicrhau bod ysgolion yn hyderus wrth weithredu Cwricwlwm i Gymru o Fedi 2022 ymlaen, ac yn parhau i ffocysu ar wella dysgu ac addysgu.</p> <p>Ensure that schools are confident in implementing Curriculum for Wales from September 2022 onwards, and continue to focus on improving teaching and learning.</p>	
<p>Cenhadaeth ein Cenedl Our National Mission</p>	<ol style="list-style-type: none"> 1. Cwricwlwm trawsnewidiol 2. Aseu, gwerthuso ac atebolrwydd 3. Proffesiwn addysg o safon uchel 4. Arweinwyr sy'n ysbrydoli <ol style="list-style-type: none"> 1. Transformational curriculum 2. assessment, evaluation and accountability 3. High quality education profession 4. Inspirational leaders 	
<p>Cyswllt â chynlluniau busnes lleol Link to local business plans</p>	<p>Ceredigion: Lefel 2 Gwella Ysgolion Lefel 3 Cwricwlwm ac Addysgeg.</p>	<p>Powys: Cynllun Busnes Integredig y Gwasanaeth Addysg 3a:13 Gweithredu a chyflawni ein cynllun i 'Adeiladu Capasiti i Wella Ysgolion a Darparu Cenhadaeth ein Cenedl ar gyfer Addysg' yn effeithiol.</p>

Beth fydd ein gweithredoedd? What actions will we take?	Sut fyddwn ni'n arfarnu effaith? How will we evaluate impact?
Gweithio fel partneriaeth i ddarparu pob ysgol a lleoliad â mynediad at raglenni ac adnoddau dysgu proffesiynol cenedlaethol a rhanbarthol, er mwyn gallu rhoi'r Cwricwlwm i Gymru ar waith, gan gynnwys cymryd rhan mewn sgysiau cenedlaethol.	Monitro presenoldeb ac ymgysylltiad â chyfleoedd dysgu proffesiynol 'byw'.
Gweithio fel partneriaeth i ddarparu cymorth pwrpasol i ysgolion a lleoliadau i ddatblygu a dylunio cwricwla sy'n cynnwys dealltwriaeth ddyfnach o asesu a dilyniant	Defnyddio dadansoddeg ddigidol i fonitro'r defnydd o adnoddau asynronaidd, gan gynnwys nifer yr 'ymweliadau' ag adnoddau penodol.
Gweithio fel partneriaeth i wella dysgu ac addysgu drwy ddatblygu gwybodaeth a dealltwriaeth o addysgeg, i wella canlyniadau i bob dysgwr gan gynnwys rhai ag anghenion dysgu ychwanegol	Gwerthuso effaith dysgu proffesiynol gan ddefnyddio dull cadarn, seiliedig ar ymchwil e.e model hunanwerthuso Kirkpatrick
Gweithio fel partneriaeth i gynorthwyo lleoliadau i wreiddio'r cwricwlwm meithrin nas cynhelir mewn modd effeithiol.	Triongli effaith dysgu proffesiynol gydag ymweliad cynghori i wella ysgol.
Gweithio fel partneriaeth i gynorthwyo pob ysgol a lleoliad i fod yn ymarferwyr myfyriol sy'n cael eu llywio gan ymchwil, trwy ddefnyddio a chynhyrchu ymchwil. Bydd canlyniadau ymholiadau yn cael eu lledaenu ar bob lefel ar draws y bartneriaeth.	Monitro Cynlluniau Datblygu Ysgolion i sicrhau bod targedau priodol yn cael eu gosod a'u cyrraedd.

<p>Gweithio fel partneriaeth i gynorthwyo i weithredu strategaethau cenedlaethol a rhanbarthol gan gynnwys Cynlluniau Strategol Cymraeg Mewn Addysg. Sicrhau bod diffiniad iaith yr ysgol yn glir ac wedi'i gytuno gyda'r corff llywodraethu.</p>	<p>Darparu cyfleoedd rheolaidd i rannu gwybodaeth rhwng cynghorwyr gwella ysgolion a thima dysgu proffesiynol</p>
<p>Gweithio fel partneriaeth i godi safonau yn y sgiliau trawscwricwlaidd statudol - llythrennedd, rhifedd a chymhwysedd digidol, a'r elfennau gorfodol - Crefydd, Gwerthoedd a Moeseg (CGM) ac Addysg Cydberthynas a Rhywioldeb (ACRh)</p>	<p>Gwerthuso data ac adborth a ddarperir gan rwydweithiau ymarferwyr sy'n ymwneud â gwaith datblygu cwricwlwm ar y cyd</p>
<p>Gweithio fel partneriaeth i sicrhau bod yna ddealltwriaeth ddofn o'r themâu trawsbynciol a'r sgiliau hanfodol a'u bod yn cael eu gweithredu, gan gynnwys CGM, hawliau dynol, amrywiaeth, gyrfaoedd a phrofiadau sy'n ymwneud â gwaith a chyd-destunau lleol a rhyngwladol, creadigrwydd ac arloesedd, meddwl yn feirniadol a datrys problemau, effeithiolrwydd personol a chynllunio a threfnu.</p>	<p>Gweithio'n agos â thimoedd Blynyddoedd Cynnar ar draws Partneriaeth Canolbarth Cymru i sicrhau bod y cwricwlwm meithrin nas cynhelir yn cael ei gyflawni'n effeithiol.</p>
<p>Gweithio fel partneriaeth i wella dulliau o addysgu leithoedd Tramor Modern (ITM) a chynorthwyo i gynllunio'r ddarpariaeth leithoedd Rhyngwladol, yn ogystal â chyflwyno Iaith Arwyddion Prydain (IAP)</p>	<p>Integreiddio cynlluniau busnes Partneriaeth Canolbarth Cymru â chynlluniau gwella awdurdodau lleol i sicrhau bod y nodau strategol yn cydweddu â'i gilydd.</p>

MAES BLAENORIAETH 2 ~ PRIORITY AREA 2

<p>Maes Blaenoriaeth 2 Priority Area 2</p>	<p>Cefnogi a datblygu gweithlu addysg o'r radd flaenaf Support and develop excellent education professionals</p>	
<p>Cenhadaeth ein Cenedl Our National Mission</p>	<ol style="list-style-type: none"> 1. Cwricwlwm trawsnewidiol 2. Aseu, gwerthuso ac atebolwydd 3. Proffesiwn addysg o safon uchel 4. Arweinwyr sy'n ysbrydoli <ol style="list-style-type: none"> 1. Transformational curriculum 2. assessment, evaluation and accountability 3. High quality education profession 4. Inspirational leaders 	
<p>Cyswllt â chynlluniau busnes lleol Link to local business plans</p>	<p>Ceredigion: Lefel 2 Gwella Ysgolion Lefel 3 Tegwch a Lles</p>	<p>Powys: Cynllun Busnes Integredig y Gwasanaeth Addysg 3a:13 Gweithredu a darparu ein cynllun i 'Adeiladu Capasiti i Wella Ysgolion a</p>

Darparu Cenhedaeth ein Cenedl ar gyfer Addysg' yn effeithiol.

<p>Beth fydd ein gweithredoedd? What actions will we take?</p>	<p>Sut fyddwn ni'n arfarnu effaith? How will we evaluate impact?</p>
<p>Gweithio fel partneriaeth i ddarparu gwybodaeth amserol a mynediad at raglenni datblygu arweinyddiaeth a rhaglenni cynorthwywyr addysgu cenedlaethol</p>	<p>Monitro'r ddarpariaeth a'r cymorth ar gyfer ymgeiswyr â phrofiad addas sy'n gwneud cais am unrhyw raglenni arweinyddiaeth, cynorthwydd addysgu neu lwybr gyrfa cynnar.</p>
<p>Gweithio fel partneriaeth i ddatblygu rhaglen ymsefydlu a chymorth mentora i Benaethiaid Newydd a Phenaethiaid Dros Dro</p>	<p>Gwerthusiad Kirkpatrick o'r rhaglen gymorth.</p>
<p>Gweithio fel partneriaeth i ddatblygu arweinwyr systemau ar bob lefel mewn ysgolion i redeg rhaglenni arweinyddiaeth LIDCA</p>	<p>Recriwtio a hyfforddi arweinwyr systemau sydd â phrofiad a chymwysterau addas</p>
<p>Gweithio fel partneriaeth i ddatblygu aseswyr CPCP a CALU</p>	<p>Recriwtio a hyfforddi arweinwyr systemau sydd â phrofiad a chymwysterau addas</p>

Gweithio fel partneriaeth i gynllunio cyfnod sefydlu rhaglen dysgu proffesiynol genedlaethol/awdurdod lleol i gefnogi Athrawon Newydd Gymhwys, Mentoriaid Sefydlu, Gwirwyr Allanol a gweithwyr Llwybr Gyrfa Cynnar	Cefnogi a chyfrannu at raglen genedlaethol ar gyfer Athrawon Newydd Gymhwys a Mentoriaid Sefydlu. Gwerthusiad Kirkpatrick o'r rhaglen gymorth.
Gweithio fel partneriaeth i ddatblygu Llwybr Gyrfa Cynnar ar gyfer ANG+5	Cefnogi a chyfrannu at raglen genedlaethol ar gyfer LIGC
Gweithio fel partneriaeth i ddatblygu cymorth datblygu proffesiynol rheolaidd ar gyfer Mentoriaid Sefydlu a Gwirwyr Allanol	Cefnogi a chyfrannu at raglen genedlaethol ar gyfer ANG a mentoriaid sefydlu. Gwerthusiad Kirkpatrick o'r rhaglen gymorth
Gweithio fel partneriaeth i ddatblygu cymorth sefydlu ar draws PCC mewn ymateb i ddiwygio'r rhaglen sefydlu	Recriwtio a hyfforddi arweinwyr systemau sydd â phrofiad a chymwysterau addas i weithio fel hyfforddwyr ar raglenni arweinyddiaeth
Gweithio fel partneriaeth i ddatblygu hyfforddiant a mentora.	Cynigir gwerthusiad Kirkpatrick o raglenni hyfforddiant

Maes Blaenoriaeth 3 ~ Priority Area 3

<p>Maes Blaenoriaeth 3 Priority Area 3</p>	<p>Cefnogi a datblygu gweithlu addysg o'r radd flaenaf Support and develop excellent education professionals</p>	
<p>Cenhadaeth ein Cenedl Our National Mission</p>	<p>5. Cwricwlwm trawsnewidiol 6. Aseu, gwerthuso ac atebolrwydd 7. Proffesiwn addysg o safon uchel 8. Arweinwyr sy'n ysbrydoli</p> <p>5. Transformational curriculum 6. assessment, evaluation and accountability 7. High quality education profession 8. Inspirational leaders</p>	
<p>Cyswllt â chynlluniau busnes lleol Link to local business plans</p>	<p>Ceredigion: Lefel 2 Gwella Ysgolion Lefel 3 Tegwch a Lles</p>	<p>Powys: Cynllun Busnes Integredig y Gwasanaeth Addysg 3a:13</p>

		<p>Datblygu a pharhau i fonitro defnydd effeithiol o'r Grant Datblygu Disgyblion (GDD). 3a:8</p> <p>Sicrhau bod pobl ifanc oedran ysgol yn cael mynediad at wasanaethau cwnsela o ansawdd da i hyrwyddo eu hiechyd a'u lles emosiynol. 3a:6</p>
--	--	---

Beth fydd ein gweithredoedd? What actions will we take?	Sut fyddwn ni'n arfarnu effaith? How will we evaluate impact?
Gweithio fel partneriaeth i gynllunio, hyrwyddo a darparu dysgu proffesiynol ac adnoddau i ysgolion i sicrhau ymagwedd ysgol gyfan tuag at lesiant	Monitro presenoldeb ac ymgysylltiad â chyfleoedd dysgu proffesiynol 'byw'.
Gweithio fel partneriaeth i gynorthwyo Hyrwyddwyr Hyfforddi Emosiynau i sicrhau achrediad, hyfforddi ysgolion neu leoliadau eraill, a datblygu hyfforddiant ac adnoddau ar gyfer amrywiaeth eang o ysgolion a lleoliadau	Gwerthuso effaith dysgu proffesiynol gan ddefnyddio dull cadarn seiliedig ar ymchwil e.e model Kirkpatrick neu hunanwerthuso
Gweithio fel partneriaeth i sicrhau cyswllt effeithiol ag asiantaethau allanol i ddatblygu pob maes lles a thegwch, gan gynorthwyo ysgolion i nodi cymorth aml-asiantaeth priodol.	Triongli effaith dysgu proffesiynol a dull ysgol gyfan o gynnig cymorth lles gydag ymweliadau cyngor gwella ysgolion.

Gweithio fel partneriaeth i sicrhau bod 'Fframwaith ar Sefydlu Dull Ysgol Gyfan ar gyfer Llesiant Emosiynol a Meddyliol' Llywodraeth Cymru yn cael ei weithredu ymhob ysgol	Monitro a gwerthuso effaith canlyniadau gweithgor llesiant traws-ranbarthol
Gweithio fel partneriaeth i rannu a hyrwyddo iechyd meddwl a lles emosiynol, gan nodi arferion presennol effeithiol a lledaenu arfer ar draws ysgolion, gan gynnwys ymarfer effeithol ym maes cymorth ymddygiad a phresenoldeb	Triongli effaith dysgu proffesiynol gydag ymweliadau cyngor gwella ysgolion.
Gweithio fel partneriaeth i ddatblygu strategaeth i gynorthwyo ysgolion sy'n profi amddifadedd gwledig, a thacio tlodi ar draws Partneriaeth Canolbarth Cymru.	Darparu cyfleoedd rheolaidd i rannu gwybodaeth ac adnoddau rhwng Partneriaeth Canolbarth Cymru
Gweithio fel partneriaeth i gefnogi grwpiau dysgwyr agored i niwed, gan ddatblygu dull o gynllunio sy'n canolbwyntio ar yr unigolyn	Gwerthuso data ac adborth holiadur lles Partneriaeth Canolbarth Cymru
	Gweithio'n agos gydag asiantaethau a darparwyr allanol i sicrhau bod cymorth effeithiol ar gael
	Monitro adnoddau i sicrhau eu bod yn gyd-fynd â blaenoriaeth LIC o fynd i'r afael ag effaith tlodi ar gyrhaeddiad, gan bwysleisio pwysigrwydd tegwch
	Rhannu ymchwil a gwerthuso effaith arfer sy'n canolbwyntio ar yr unigolyn, i gefnogi grwpiau dysgwyr agored i niwed.

Maes Blaenoriaeth 4 ~ Priority Area 4

<p>Maes Blaenoriaeth 4 Priority Area 4</p>	<p>Cefnogi a datblygu gweithlu addysg o'r radd flaenaf Support and develop excellent education professionals</p>
<p>Cenhadaeth ein Cenedl Our National Mission</p>	<ol style="list-style-type: none"> 1. Cwricwlwm trawsnewidiol 2. Asesu, gwerthuso ac atebolrwydd 3. Proffesiwn addysg o safon uchel 4. Arweinwyr sy'n ysbrydoli <ol style="list-style-type: none"> 1. Transformational curriculum 2. assessment, evaluation and accountability 3. High quality education profession 4. Inspirational leaders

<p>Cyswllt â chynlluniau busnes lleol</p> <p>Link to local business plans</p>	<p>Ceredigion:</p> <p>Lefel 2 Gwella Ysgolion</p>	<p>Powys:</p> <p>Cynllun Busnes Integredig y Gwasanaeth Addysg 3a:13</p> <p>Cyflawni'r Strategaeth Ysgolion Uwchradd gan sicrhau effaith gadarnhaol ar arweinyddiaeth, addysgu a dysgu gan gynnwys llythrennedd, rhifedd a sgiliau digidol. 3a:11</p> <p>Gwella canlyniadau disgyblion mewn ysgolion uwchradd 3a:1</p> <p>Gweithredu a chyflenwi ein cynllun i 'Adeiladu Capasiti i Wella Ysgolion a Darparu Cenhedaeth ein Cenedl ar gyfer Addysg' yn effeithiol. 3a:16</p> <p>Gweithredu system gydgysylltiedig i gefnogi plant a phobl ifanc ag Anghenion Addysgol Arbennig (AAA)/ Anghenion Dysgu Ychwanegol (ADY) i wella eu profiadau a'u deilliannau erbyn 2024 3a:3</p>

Beth fydd ein gweithredoedd?

What actions will we take?

Sut fyddwn ni'n arfarnu effaith?

How will we evaluate impact?

<p>Gweithio fel partneriaeth, creu strategaeth cefnogi a gwella ysgolion i gwrdd â'r newidiadau sylweddol sy'n wynebu ysgolion, fel ffordd o'u cefnogi trwy gyfnod o drawsnewid. Sicrhau bod y strategaeth yn cefnogi egwyddorion ac arferion y cwricwlwm newydd a'r ddeddf ADY, ac yn creu'r newidiadau sylweddol i'r system a'r diwylliant sydd eu hangen er mwyn i'r cwricwlwm newydd a'r ddeddf ADY lwyddo, gan helpu i godi safonau ar gyfer pawb.</p>	<p>Monitro cynnydd pob ysgol wrth roi rhaglenni cenedlaethol ar waith.</p>
<p>Gweithio fel partneriaeth i ddatblygu diwylliant dysgu sy'n hyrwyddo gwelliant parhaus, gyda'r nod o wireddu'r pedwar diben, gan ddefnyddio arfer sy'n seiliedig ar dystiolaeth i arloesi a gwella</p>	<p>Bydd y cymorth a roir i ysgolion i weithredu rhaglenni cenedlaethol yn gymesur â'u hangen.</p>
<p>Gweithio fel partneriaeth i gryfhau dysgu proffesiynol ar gyfer datblygu ymarfer a myfyrio, drwy Gynllun Cydweithredol Cymru ar gyfer Cynllunio Dysgu, Ysgolion fel Sefydliadau sy'n Dysgu, a'r Safonau Proffesiynol ar gyfer Addysgu ac Arweinyddiaeth</p>	<p>Monitro Cynlluniau Datblygu Ysgol i sicrhau bod yna gynnydd priodol i fynd i'r afael â blaenoriaethau'r ysgol.</p>
<p>Gweithio fel partneriaeth i greu cynnig dysgu proffesiynol cynhwysfawr i fodloni gofynion ysgolion a chyrrff llywodraethu.</p>	<p>Ymweliadau cymorth rheolaidd i arfarnu effeitholrwydd y prosesau hunanarfarnu.</p>
<p>Gweithio fel partneriaeth i gynorthwyo ysgolion i - gyd-drefnu hunanarfarnu a gwella ysgolion fel proses integredig, bod yn fyfyrion, agored a gonest, gan fyfyrion ar, a mireinio gweithgareddau hunanarfarnu – defnyddio data mewn ffordd gymesur ochr yn ochr â thystiolaeth uniongyrchol, gan grynhoi amryw o ddulliau gwahanol o gasglu tystiolaeth ddibynadwy, sicrhau bod yr arfarnu ar gyfer, ac yn ymwneud â'r ysgol a'i dysgwyr, cynnwys a gwranddo ar yr holl staff, dysgwyr, rhieni/gofalwyr, llywodraethwyr a rhanddeiliaid eraill – adolygu</p>	<p>Triogli effaith dysgu proffesiynol gydag ymweliadau cyngor gwella ysgol.</p>

cynnydd yn erbyn blaenoriaethau gwella, gan gadw at, ac adeiladu ar arfer presennol ac effeithiol	
Gweithio fel partneriaeth i rannu arfer effeithiol o fewn a rhwng ysgolion, gan weithio gyda chymheiriaid i gefnogi eu harfer eu hunain ac arfer eraill	Craffu astudiaethau achos o arfer da i sicrhau dulliau gweithredu cadarn a chyson.
Gweithio fel partneriaeth i greu pecynnau cymorth addas a phwrpasol ar gyfer pob ysgol i gynnal a chodi safonau.	Gweithredu'r Strategaeth Cynorthwyo a Gwella Ysgolion yn effeithiol.
Gweithredu fel partneriaeth i sicrhau cynnydd cadarn a chynaliadwy mewn ysgolion sy'n peri pryder.	Monitro cynnydd llythrennedd, rhifedd a sgiliau digidol dysgwyr.
Parhau i weithio fel partneriaeth i rannu arbenigedd ac arfer da, sicrhau gwerth am arian a lleihau llwythi gwaith.	Monitro a gwerthuso cynnydd ysgolion sy'n peri pryder drwy Fyrddau Gwella Ysgolion ac adroddiadau cynnydd Cyngorwyr Ysgolion.

Maes Blaenoriaeth 5 ~ Priority Area 5

<p>Maes Blaenoriaeth 5 Priority Area 5</p>	<p>Sicrhau trefniadau mewnol effeithlon, a chyfathrebu ac ymgysylltu effeithiol gyda rhan-ddeiliaid</p> <p>Ensure efficient internal arrangements, and effective communication and engagement with stakeholders</p>
<p>Cenhadaeth ein Cenedl Our National Mission</p>	<ol style="list-style-type: none"> 1. Cwricwlwm trawsnewidiol 2. Aseu, gwerthuso ac atebolrwydd 3. Proffesiwn addysg o safon uchel 4. Arweinwyr sy'n ysbrydoli <ol style="list-style-type: none"> 1. Transformational curriculum 2. assessment, evaluation and accountability 3. High quality education profession

	4. Inspirational leaders	
<p>Cyswllt â chynlluniau busnes lleol</p> <p>Link to local business plans</p>	<p>Ceredigion:</p> <p>Lefel 1 Gwasanaeth Ysgolion a Diwylliant</p>	<p>Powys:</p> <p>Cynllun Busnes Integredig y Gwasanaeth Addysg 3a:13</p> <p>Sicrhau bod data'n cael ddefnyddio'n effeithiol i nodi meysydd i'w gwella ymhellach ac i lywio penderfyniadau. 3a:15</p> <p>Adeiladu prosesau hunanarfarnu i sicrhau gwelliant parhaus. 3a:16</p>

Beth fydd ein gweithredoedd? What actions will we take?	Sut fyddwn ni'n arfarnu effaith? How will we evaluate impact?
Sefydlu a gweithredu strategaeth gyfathrebu glir a rheolaidd gydag ysgolion i sicrhau bod gwybodaeth a diweddariadau yn amserol ac yn gyson ar draws y ddau Awdurdod Lleol.	Mae arolygon Penaethiaid ac adborth yn dangos bod ysgolion yn teimlo eu bod yn derbyn gwybodaeth ddigonol, mae negeseuon cyson ar adegau priodol yn galluogi staff ysgolion i weithredu ar gyngor a chael mynediad at ddysgu proffesiynol priodol.
Sefydlu gwefan Dysgu Proffesiynol ar y cyd i sicrhau bod aelodau staff pob ysgol yn gwybod am y cynnig ac yn cael mynediad hwylus ato ar draws Canolbarth Cymru.	Yn y bôn mae pob ysgol ar draws Partneriaeth Canolbarth Cymru'n cael mynediad at y cynnig dysgu proffesiynol ar y cyd drwy gyfrwng un plattform.

<p>Yn unol â'r Memorandwm Cyd-ddealltwriaeth, sicrhau cyfarfodydd tymhorol ar y cyd rhwng y ddau arweinydd portffolio addysg, a chyflwyno adroddiad blynyddol cynhwysfawr i'r ddau Bwyllgor Craffu yn nhymor y Gwanwyn. Sicrhau bod Cynllun Busnes 2022-23 y cael ei drafod a'i gytuno gydag aelodau'r pwyllgorau Craffu yn dilyn etholiadau mis Mai.</p>	<p>Adrodd yn effeithiol ar flaenoriaethau busnes gyda'r pwyllgorau craffu ac aelodau.</p>
<p>Penodi swyddog strategaeth i gydlynu a datblygu gwaith Partneriaid Addysg Canolbarth Cymru ymhellach.</p>	<p>Un uwch arweinydd yn cydlynu gwaith Partneriaeth Canolbarth Cymru ac yn mynychu cyfarfodydd MD. Bydd yr unigolyn yma'n sefydlu ac yn arwain y grŵp cyfeirio penaethiaid ac yn sicrhau bod yna benderfyniadau effeithiol, i wneud yn siŵr bod y Partneriaeth yn parhau i ddatblygu ac yn cael effaith gadarnhaol ar ein hysgolion a'u dysgwyr.</p>
<p>Sefydlu grŵp cyfeirio Penaethiaid ar gyfer Partneriaid Addysg Canolbarth Cymru.</p>	
<p>Parhau i ddatblygu cydweithio cadarnhaol mewn pethynas â gwaith traws-ranbarthol a mynediad at wybodaeth a rhaglenni angenrheidiol er budd ysgolion a dysgwyr</p>	

